

## ERINDISBRÉF

fyrir forstöðumann Fræðslumyndasafns ríkisins.

### 1. gr.

Forstöðumanni Fræðslumyndasafns ríkisins ber að annast um daglegan rekstur safnsins, framfylgja ákvörðunum stjórnar þess, skipta verkum með starfsliði safnsins og sjá um, að verkin séu leyst af hendi á þann hátt, sem til er ætlað. Forstöðumaður annast fjárreiður safnsins og reikningshald og sendir ríkisendurskoðuninni þegar að loknu hverju almanaksári reikninga safnsins ásamt fylgiskjólum til endurskoðunar. Samrit reikninganna skal samtímis sent menntamálaráðuneytinu.

### 2. gr.

Forstöðumaður hlutast til um, að haldin sé sem gleggst skrá um myndir og önnur gögn safnsins, útlán og skil. Hann kostar kapps um að auka og bæta myndakost safnsins, eftir því sem fjárhagur leyfir, heldur við þeim samböndum til myndaoöflunar, sem náðst hafa, og stofnar til nýrra, eftir því sem henta þykir. Hann kynnir sér ávallt eftir föngum nýjungar, sem fram koma á starfssviði safnsins, og athugar, hvað hagnýta má.

### 3. gr.

Forstöðumaður sér um íslenzkar útgáfur valinna erlendra kennslukvikmynda samkvæmt ákvörðun safnsstjórnar. Hann hefur samráð við Menntamálaráð Íslands um gerð fræðslu- og menningarmynda. Ef Fræðslumyndasafnið ræðst sjálfst í gerð slíkra mynda, skv. 2. gr. laga nr. 54 f.-lið, hefur hann eftirlit og yfirumsjón með því verki.

### 4. gr.

Forstöðumaður sér um gerð kyrrmyndaflokka til afnota við kennslu, eftir því sem stjórn safnsins hefur ákveðið.

### 5. gr.

Forstöðumaður veitir eftir megni aðstoð og leiðbeiningar, ef efnt er til fræðslumyndagerðar af hálfu ríkisstjórnarinnar eða annarra opinberra aðila, enda sé óskað slíkrar þjónustu.

### 6. gr.

Forstöðumaður leiðbeinir notendum safnsins og hlutast til um, að gefin sé út heildarskrá um myndir í eigu þess, svo og gerð skýringar- og leiðsagnargögn með einstökum myndum. Hann beitir sér fyrir því, að námskeið séu haldin og fræðsluerindi flutt um hagnýtingu mynda við kennslu, eftir því sem við verður komið. Hann aðstoðar eftir föngum skóla og stofnanir við val og útvegum sýningartækja og mynda, svo og tónbanda og hljómplatna.

### 7. gr.

Forstöðumaður annast skráningu íslenzkra frumkvikmynda og sér um söfnun og varðveislu slíkra mynda á vegum safnsins, eftir því sem föng eru á og fé fæst til, ef kaupa þarf.

### 8. gr.

Forstöðumaður gerir í samráði við stjórn safnsins eða samkvæmt ákvörðun hennar tillögur til menntamálaráðuneytis um hvað eina, sem safnið varðar og ráðuneytinu ber að fjalla um.

Erindisbréf þetta er sett samkvæmt heimild í 4. gr. laga nr. 54/1961, um Fræðslu- myndasafn ríkisins.

*Menntamálaráðuneytið, 5. janúar 1963.*

**Gylfi P. Gíslason.**

*Birgir Thorlacius.*

## REGLUGERÐ

**um takmörkun leigubifreiða í Keflavík og um ráðstöfun atvinnuleyfa.**

### 1. gr.

Tala allt að 8 farþega leigubifreiða til mannflutninga í Keflavík skal, á meðan hreppsnefnd Njarðvíkur- og Hafnahrepps ekki leyfa fólksbifreiðastöðvar, hvor í sínu lögsagnarumdæmi, fyrir aðrar bifreiðar en frá bifreiðastöðvum í Keflavík, miðuð við íbúatölu í Keflavík, Njarðvíkurhreppi og Hafnahreppi, þannig að ein bifreið komi á hverja 175 íbúa, er þar eiga lögheimili samkvæmt nýjustu skýrslum Hagstofu Íslands.

Félagssvæðið samkvæmt 1. mgr. telst Keflavík, Njarðvíkurhreppur og Hafnahreppur.

Þegar rétt hlutföll milli tölu leigubifreiða og íbúatölu eru fengin, skal veita atvinnuleyfi í stað hvers leyfis, er losnar, svo og vegna fólksfjölgunar, eitt leyfi fyrir hverja 175 íbúa, er lögheimili eiga í framangreindum lögsagnarumdæmum.

Nú losnar atvinnuleyfi og skal þá, á meðan leigubifreiðir eru fleiri en sem svarar einni á hverja 175 íbúa, einungis endurveita fimmta hvert leyfi.

Atvinnuleyfi skulu að jafnaði veitt frá og með 1. október ár hvert, ef veita skal þau samkvæmt framanskráðu.

### 2. gr.

Við gildistöku reglugerðar þessarar skulu allir þeir, sem 10. október 1962 höfðu afgreiðslu á bifreiðastöð í Keflavík, halda leyfum sínum, ef þeir eru félagar í Bifreiðastjóraráfélaginu Fylki, enda hafi þeir sótt um atvinnuleyfi til stjórnar Bifreiðastjóraráfélagsins Fylkis innan eins mánaðar frá gildistöku reglugerðar þessarar, ella fellur réttur þeirra til leyfisins niður.

### 3. gr.

Enginn bifreiðastjóri má hafa afgreiðslu hjá bifreiðastöð í Keflavík, nema hann hafi öðlzt atvinnuleyfi sem leigubifreiðastjóri í Keflavík. Leyfin skulu tölusett og bundin við nafn leyfishafa.

Engum má úthluta nema einu atvinnuleyfi, þó skulu þeir, er höfðu tvö afgreiðsluleyfi hjá bifreiðastöð í Keflavík, 10. október 1962, fá tvö atvinnuleyfi, ef þeir æskja þess innan eins mánaðar frá gildistöku reglugerðar þessarar, með þeim fyrirvara þó, að þeir hafi á virkan hátt notfært sér bæði leyfin með akstri fyrir 10. október 1962.

Þeim leyfishöfum, sem að staðaldri hafa látið aðra aka bifreið sinni sem leigubifreið til mannflutninga frá því fyrir 10. október 1962, skal, ef þeir æskja þess, heimilt að hafa þann hátt á áfram.